



GUERZ

VAR SUJET DISTRO UN DEN YAOUANQ

PARTIET GANT AR GUENTA REQUISITION.

Var ton : *Va Flaneden zo caled.*

TOSTAIT, oll, tud yaouanq, ha gemerit true
 Ous ar blaneden bonner a boez var va bue ;
 Deut da vesquan ho taelou assambles gant va re,
 Da zoulaji va foanniou, deut da voela varne.

Cetu deg vloas tremenet ma zon bet contraignet
 D'abandoni va c'herent, va douç, va mignonet,
 Evit monet d'ar brezel da zouguen an armo
 E faveur al liberte voa prometet d'am bro.

Abaoue qeit all amzer, n'alfen qet lavaret
 Pet combat ha pet poanniou a meus me anduret,
 Tri c'hant leo am separe eus va c'herent nessa,
 Ha na meus bet diouto qélou an distera.

E creiz ar c'harnach bemde va buez exposet,
 Unan demeus va diouvrec'h erfin a meus collet,
 Hac evit oll recompanç e meus bet va c'honje,
 Hep receo nep pansion da vevan em c'hontre.

C'hoas laouen o tilezel servich ar Republik,
 N'en deo qet deut va speret da gompren er fatiq
 Eus an hent hir ha poannius am boa-me da ober
 Aroc guélet va zud qèr hac éruout er guèr.

Collet e meus ar galout da rêi sicour d'am zad,
 Hac o tivoeret va brec'h, n'allin mui labourat,
 Bremâ va zud am mago, pa meus-me c'hoas ar chang
 M'o deus leve hac arc'hant ebars en abondanç.

Cetu me dija èru tostic demeus ar guêr ;
Gant ar joa ouz va güelet au oll a ray din cher,
Va zad, va mam, va c'herent, breudeur ha c'hoarezet,
Ha va mestrezic fidel, a vo oll ravisset.

Bonjour déc'h, ô va c'hontre ! eurus en em gavan
Gallout c'hoas ho contempli, dont da vervel aman.
Va c'halon gant ar joa vras em c'hreiz zo seziet
O tostat demeus an ty el lec'h m'on bet ganet.

Mes, oc'h antreal emmi, e son bet trubuillet,
Eun den dianav din-me en deus din lavaret :
Eruet fall oc'h aman ; sortiit, va mignon ;
Ne ma qet ar mestr er guêr, n'ho po qet aluzon.

Souezet bras o velet n'anaveyen hini.
Touez qenlies personnach a voa o rên en ty,
E meus me prest respontet : ententit va réson,
Me n'en don qet deut amâ da glasq an aluzon.

Clasq a ran va c'herent qer er plac m'on bet ganet ;
Al lec'h-mâ a zo dezo, amâ on bet maguet.
Lavarit dia, me ho ped, peléc'h en o c'havin :
Ne zefot netra qen din evit va c'hontantin,

An den-mâ a zo follet, int commancet crial :
N'en dê qet mab d'hor mestr-ni ; ret eo er chasseal.
Güelet ho pije neuze eur vanden mevellyen
O tiredec gant bizier d'am chasseal souden.

O sortial gant glac'har ha beuzet em daelou,
Da glasq va zad elec'h all, pe clévet o c'hélou,
En hent e zon bet scoet vel gan eun tol curun,
Pa meus-me anaveet voa collet ho fortun.

Souden e meus rancontret va c'hoar ar yaouanqa,
Eur zac'hic staguët outi, o c'houlén e bara.
O clasq compren ar malheur varnomp-ni diguêzet,
Va speret zo bet troublet, ha va c'halon mantret.

O Doue oll-buissant ! roit din hoc'h asistanc,
Roit din an nerz da glévet penos ho Providanc

E devez bet permetet, evit va c'hastia,
Ma zomp-ni bet reduiset er stad an horrupla !

Va c'hoaric paour, me ho ped, soulagit va mizer ;
Hast bras a meus da glêvet qélou deus va zad qer,
Hac eus ar vamic tener e devez hor savet :
Mervel a ràn en defot o zerc'hel ambrasset.

Siouàs dit, va breuric paour ! ne oufés qet compren
Peguen bras eo hor maleur, peguer bras hon anqen.
Allas ! ouspen hor madou a renqomp divoeret ;
Hor c'herent carantezus zo bet deomp ravisset.

En despet d'al lezennou grêt gant ar Republiq,
Hon tad voa chommet fidel d'an Ilis Catholiq ;
Rac-se gant an tirantet e zeo bet condaonet
Da bignat var ar chaffot vit beza dibennet.

Prestic goude, hor madou a zo bet confisqet,
Hac ive, prestic goude, siouas ? int bet guerzet,
Consumet gant ar chagrin deus qement a gollo,
Hor mam a zo bet neuze scoet gant ar maro.

Cessit, va c'hoar, da balant ; cessit d'am dezoli,
Re a meus var an douar a dourmant hac anui,
Er moment mac'h esperen commanç beva eurus,
En em gavàn, va Doue ! muyoc'h-muy maleurus.

Goude beza servichet ar Reubliq ingrat,
E deus, d'am recompansi, guillotinet va zad,
Laqet va mam da vervel dre nerz an desesper,
Ha Güerzet va oll vadou ; n'em bo nemet mizer.

Diouz an tourmantchou garo a stourm ous va speret,
Pelec'h caout soulajamant, pelec'h cavet remed ?
Ar plac'h e deus captivet a bel va zantimant
A zoulajo va hirvoud gant e c'homzou charmant.

Varzu ty va mestrezic e zàn gant esperanç
Caout en e fidelite remed eus va zouffranç :
Bonjour déc'h, va rouanez ; cetu me deut er vro :
Ancouët eo va oll boanniou, mar am c'harit atao,

Me zo FANCHIC, ho mignon, distro eus ar brezel,
Hac a so en peb amzer chommet d'êc'h-u fidel.

Demeus va oll garantez ebars en hoc'h andret
E meus brema esperanç beza recompancet.

Petra, paour qez reuzeudic ! clasqit-u em c'hever ?

Biscoas ne meus ho quelet, na diziret ober ;

Biscoas ne meus ho caret, na birviqen n'er grân,

Ha cetu, en bêr gomzou, ho setanç diveza.

Me zo an den maleurus, ne gafet qet e bar,

Milguez milliguet an heur m'on deut var an douar !

Oll gouliou va c'halon zo nêve digoret,

O veza bet rebutet gant va muya caret.

Va mestrez ouz va gulet couezet en paourrente,

Nijet e fromessaou, nijet e c'harante.

Esperans va eurusted, allas ! zo tremenet

Evel ma ra eun ure en nôs dre hor speret.

Ae exempl-mâ, tud yoanq, a deu d'oc'h instrui

Peguen dister ar bed-ma, leun a ingrateri ;

Epad ma zoc'h pinvidiq; gant an oll oc'h caret ;

Mes mar tro rod ar fortun.... adieu ar mignonet !

Petra rân var an douar ? collet va mam, va zad,

Va mestrez ha va madou, va brec'h da labourat,

O vervel pe o veva er c'hoad gant al loened,

Rin guel eguet implori amâ faus mignonet.

Er c'hoajou an tevalla o tont d'en em guzat,

Magnet vin gant va glac'har, hac eus va daoulagad

E tiredo an daelou da drec'hi va zec'hed,

Betec ar moment eurus ma quittain ar bed.

En despet d'an injustiç a eprouvân hirio,

Me bedo a greiz calon evit boneur va brô :

O va Doue ! deurvezit renta, dre ho puissanç,

Boneur, ha prosperite d'am brô guêr eus a Franç